

**UDRUŽENJE GRAĐANA SPORTSKIH
RIBOLOVACA «BISTRO» ZENICA
ZENICA**

**PRAVILNIK
O RADU
RIBO-ČUVARSKE
SLUŽBE**

ZENICA 2002

Član 1.

Ribarsko-čuvarsku službu vrše čuvari ribljeg fonda.

Član 2.

Ribo-čuvar na vodi ima status službenog lica.

Član 3.

Ribo-čuvar može biti naoružan samo za vrijeme čuvanja ribljeg fonda.

Član 4.

Pravo i dužnost ribo-čuvara je da vrše poslove čuvanja ribljeg fonda određene propisima predviđenim Zakonom o slatkovodnom ribarstvu.

Član 5.

Čuvari imaju legitimaciju čuvara ribljeg fonda. Legitimaciju izdaje organizacija koja postavlja čuvara.

Član 6.

Za vrijeme obavljanja dužnosti ribo-čuvar je obavezan da legitimaciju nosi na vidnom mjestu.

Član 7.

Ribo-čuvari u toku obavljanja dužnosti dužni su da nose uniforme.

Član 8.

Radna i zaštitna odjeća daje se ribo-čuvarima besplatno na upotrebu pri obavljanju poslova i zadataka na radnom mjestu i to:

- uniforma ljetna;*
- uniforma zimska;*

- cipele terenske;
- čizme gumene-kratke;
- kišna kabanica;
- kožna torba;
- vindjakna-vjetrovka.

Član 9.

Vijek trajanja za pojedinu radnu i zaštitnu odjeću određuje upravni odbor.

Član 10.

Davanje legitimacije i uniforme drugom licu ribo-čuvar pravi teži prekršaj radne discipline.

Član 11.

U vršenju čuvanja ribljeg fonda čuvari su dužni naručito da obrate pažnju:

- da ribolov ne vrše lica koja na to nemaju pravo;
- da se ne lovi riba ispod dozvoljene minimalne mjere;
- da se ne lovi riba za vrijeme lovostaja;
- da se ne lovi riba rukama i da se za ribolov ne upotrebljavaju nedozvoljena sredstva (lov mrežom, ubijanje ribe podvodnom puškom, ubijanje ribe strujom te postavljanje parangala i samica);
- da se ne vrši zabranjeni ribolov noću;
- da se u ribljim plodištima ne vadi šljunak, pijesak, kamen, klade, panjevi i da se ne vrše druge radnje koje ometaju mrijest;
- da se ne skidaju ili oštećuju oznake kojima je organizacija obilježila riblja plodišta, nazive i granice ribolovnih voda i zabrane ribolova na određenom području.

Član 12.

O zagađenju ribolovne vode ribo-čuvar je dužan da odmah obavijesti organizaciju sportskih ribolovaca shodno članu 11. Zakona o slatkovodnom ribarstvu. Istovremeno ribo-čuvar je dužan da odmah uzme uzorke zagađene vode (direktno sa žarišta, 50 m poviš žarišta i 50 m ispod žarišta, sa svakog mjesta treba uzeti 2 l vode i staviti vidne oznake sa kojeg su mjesta uzeti uzorci), te da uzme uginulu ribu i zamota u foliju koju treba staviti u frižider.

Član 13.

Kad utvrdi povredu propisa o slatkovodnom ribarstvu ribo-čuvar je dužan da o tome obavijesti organizaciju sportskih ribolovaca, ista je dužna da proslijedi putem sekretara udruženja nad prekršiocima nadležnom organu.

Član 14.

Ako je povredu izvršio član udruženja sportskih ribolovaca, ribo-čuvar je dužan da o tome obavijesti organizaciju koja će poduzeti odgovarajuće sankcije.

Član 15.

Obavještenje čuvara u smislu predhodnog člana sadrži sljedeće podatke:

- opis djela, tačan datum izvršenja djela i bližu oznaku mjesta na kojem je to djelo učinjeno;*
- ime i prezime, tačnu adresu, broj lične karte lica koje je izvršilo povredu propisa, a ako se radi o licima koja su ovlaštena da vrše ribolov i broj dozvole, kao i organizacije koja je tu dozvolu izdala;*
- podaci o oduzetim sredstvima koja su upotrijebljena prilikom izvršenja prekršaja;*
- imena, prezimena i tačne adrese eventualnih svjedoka.*

Član 16.

Ribo-čuvari su dužni da vode dnevnik rada u koji svakodnevno unose:

- naziv revira na kojem je taj dan radio;*
- imena kontrolisanih lica koja nisu ispravna na vodi;*
- druge podatke i zapažanja u vezi sa vršenjem ribo-čuvarske službe.*

Član 17.

U slučaju vanrednih situacija (poplava, pomor ribe, elementarne nepogode i sl.) ribo-čuvar je dužan na poziv društvene kontrole da se odazove i van svog radnog vremena uz nadoknadu, a vrijeme provedeno u radu ide preraspodjelu.

Član 18.

Ribo-čuvar može od lica privremeno oduzeti sredstva koja su upotrijebljena za izvršenje prekršaja.

Član 19.

Ribo-čuvar je dužan izdati pismenu potvrdu o oduzetim sredstvima iz predhodnog člana.

Član 20.

Rješavanjem o prekršaju može se pored kazne izreći i zaštitna mjera oduzimanja sredstava koja su upotrijebljena za izvršenje prekršaja. Ako je prekršaj izvršen upotrebom:

-mreža;

-podvodnom puškom;

-samice;

-raubovanje (potezanje);

-ubijanje ribe strujom;

-izlov ribe koja nije dozvoljene za lov;

uz kaznu za prekršaj obavezno se primjenjuje i zaštitna mjera oduzimanja tih sredstava, kao i predmeta koji su nastali izvršenjem prekršaja. Protiv prekršioca će se pokrenuti prekršajni postupak kod nadležnog suda i tražiti nadoknada učinjene štete.

Član 21.

Ribo-čuvar koji kontroliše lica na vodi ne smije da pravi razliku među licima koja love ribu.

Član 22.

Ribo-čuvar pravi teži prekršaj radne discipline ako u toku svog radnog vremena konzumira alkohol.

Član 23.

Ribo-čuvar pravi teži prekršaj radne discipline ako licu ili licima nepravilno naplaćuje dnevne izlaske, uzimanjem novca ili ne izdavanje blok talona, kao i ne upisivanje datuma na blok talonima.

Član 24.

Ribo-čuvar je dužan svaki dan sa početkom rada u UGSR «Bistro» Zenica da se javi na posao sekretaru, osim u slučaju da mu upravni odbor nije formulisao drugo radno vrijeme. U slučaju vremenskih nepogoda ribo-čuvar je dužan da radno vrijeme od 8 sati provede u prostorijama udruženja. U slučaju ne poštivanja ovog člana ribo-čuvar pravi teži prekršaj radne discipline.

Član 25.

Radno vrijeme ribo-čuvara:

- ljetno;*
- zimsko.*

Član 26.

Ribo-čuvar ima jedan slobodan dan u toku sedmice.

Član 27.

Pravo na korištenje godišnjeg odmora ribo-čuvara regulisano je u skladu sa Zakonom o radu.